

Na osnovu člana 72. Zakona o javnim nabavkama u BiH (Službeni glasnik BiH br. 39/14), člana 7. alineja b) Pravilnika o postupku direktnog sporazuma (Službeni glasnik BiH br. 90/14), člana 10. stav (1) alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 11-1488-2/17 od 23.10.2017.godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul. Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovorni organ)

i

2. **„SPRIND“ d.d. iz Sarajeva**, ul. Rajlovačka cesta bb, registrovan kod Općinskog suda u Sarajevu (matični broj subjekta upisa: 65-02-0014-11, stari broj: 1-1589), identifikacijski broj kod Porezne uprave FBiH Kantonalni ured Sarajevo 4200279320003, koga zastupa direktor Trako Memnun (u daljem tekstu: Vršilac usluga)

Dana 26.10.2017.godine, zaključuju

UGOVOR

o kontinuiranom vršenju usluga prijema, skladištenja i čuvanja kurbanskog mesa

Član 1.

Vršilac usluga se obavezuje da u skladu sa svojom Ponudom, broj: 1539/17 od 20.10.2017.godine i zahtjevom Ugovornog organa broj: 11-1488-1/17 od 13.10.2017.godine vrši usluge prijema, skladištenja i čuvanja kurbanskog mesa za potrebe KJU „Gerontološki centar“ Sarajevo, u skladu sa važećim propisima koji se odnose na predmetnu uslugu.

Član 2.

Ugovorenom uslugom će biti obuhvaćeno kurbansko meso koje bude donirano Ugovornom organu.

Izvršilac usluge se obavezuje da će primiti kurbansko meso, izvršiti skladištenje i čuvanje istog, te da će vršiti kontinuirano izdavanje potrebnih količina predmetnog mesa u skladu sa zahtjevima Ugovornog organa, svakim radnim danom, izuzev nedjelje, u vremenu od 08:00 do 16:00 sati.

Član 3.

Ugovorena cijena predmetne usluge po jednom kilogramu – 1 kg kurbanskog mesa iznosi 0,04 KM bez PDV-a, odnosno 0,05 KM sa PDV-om.

Ukupna vrijednost ugovora za period od 1 godinu iznosi 2.000,00 KM bez PDV-a, odnosno za period od 3 godine iznosi do 6.000,00 KM bez PDV-a.

Ugovorena jedinična vrijednost predmetne usluge prijema, skladištenja i čuvanja kurbanskog mesa po jednom kilogramu je fiksna do kraja izvršenja Ugovora.

Član 4.

Ugovorne strane su saglasne da se plaćanje predmetnih usluga izvrši u roku od 30 dana od dana ispostavljanja fakture za protekli mjesec, a na osnovu stanja predmetne robe u hladnjači, odnosno sačinjenih zapisnika, na transakcijski račun Vršioca usluge broj: 1542602005111527, kod Intesa Sanpaolo banke.

Član 5.

Planirano trajanje ugovora, odnosno pružanje usluga skladištenja i čuvanja mesa je najduže 3 godine od dana prijema istog od strane Vršioca usluge, odnosno do ispunjenja svih ugovorom preuzetih obaveza.

Član 6.

Ugovorne strane su saglasne da će se usluga prijema, skladištenja i čuvanja kurbanskog mesa vršiti u sjedištu Vršioca usluge.

Ugovorne strane su saglasne da se nakon prijema ukupne količine kurbanskog mesa od strane Vršioca usluge, sačini zapisnik u kojem će se navesti tačan iznos uskladištenog predmetnog mesa predatog na čuvanje, te da se isti ovjeri od strane ovlaštenih predstavnika obje ugovorne strane.

Ugovorne strane se obavezuju da u toku perioda uskladištenja mesa ovlašteni predstavnici ugovornih strana uredno vode evidenciju o količini izdatog mesa i količini mesa koje ostaje na stanju, te da nakon preuzimanja ukupne količine uskladištenog mesa ovlašteni predstavnici ugovornih strana izvrše zaključivanje evidencije i da istu ovjere svojim potpisima.

Zapisnik iz stava 2. i evidencija iz stava 3. ovog člana, čine sastavni dio ovog Ugovora.

Član 7.

Izvršilac usluge garantuje kvalitetno izvršenje usluge u skladu sa zakonima i pravilnicima koji regulišu oblast čuvanja smrznutog mesa. Ukoliko u toku izvršenja ovog Ugovora nastupe okolnosti koje se u vrijeme zaključenja Ugovora nisu mogle predvidjeti, a koje utiču na njegovo kvalitetno izvršenje, ugovorne strane će preispitati te okolnosti i sporazumno utvrditi novi rok za završetak ugovorenih obaveza.

Član 8.

Ugovorne strane su saglasne da se u periodu važenja ovog Ugovora, cijene usluge precizirane članom 3. stav 1., neće mijenjati.

Član 9.

Izmjene i dopune ovog Ugovora mogu se vršiti u pismenoj formi, uz saglasnost ugovornih strana.

Član 10.

Ugovorne strane mogu ovaj Ugovor raskinuti i prije njegovog isteka ukoliko se jedna od ugovornih strana ne bude pridržavala odredaba istog, uz predhodno izmirenje svih ugovorenih obaveza.

Član 11.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Član 12.

Ovaj Ugovor primjenjuje se od dana obostranog potpisivanja.

Član 13.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 14.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

VRŠILAC USLUGE:



Broj: 1600/17
Sarajevo, 27.10.2017

UGOVORNI ORGAN:



Broj: 11-1488-4/17
Sarajevo, 26.10.2017.god.